



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

学校名称 : 香港耀能协会赛马会田绮玲学校
Name of School : SAHK JOCKEY CLUB ELAINE FIELD SCHOOL
剧名 Name of Play : 看见
剧作者 Script writer : 马汉铭(老师)、何浩源(导师)

故事大纲 Synopsis :

杜杜热爱跑步，但因患有肌肉萎缩症被迫放弃。而同时杜杜爸爸患上肺癌要去医病，于是安排杜杜入住特殊学校宿舍。杜杜爸爸因病危所以未能与杜杜联络，于是杜杜决定自杀。幸得阿坚拯救，并邀请他到生命艺团。杜杜在艺团认识了视障的欣欣同学，并发掘到自己的音乐天份，最后.....杜杜能发挥自己的音乐天份吗？杜杜爸爸能战胜癌症吗？父子会团聚吗？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

杜 (看着观众) 大家好！我叫杜杜，今年 20 岁。

(看见小杜杜正在跑步。)

杜 (看着观众) 小学一年班开始我就好钟意跑步，小学三年班我第一次参加 200 公尺跑步比赛，仲入咗决赛。

VO 小三组别 200 公尺跑步决赛即将开始。On your mark, get set. BEEP!

(小杜杜开始跑步比赛)

All 加油加油！杜杜加油！加油加油！杜杜加油！

(冲线，小杜杜勇夺冠军。)

众(VO) 好嘢！

杜 (看着观众) 我攞咗好多次跑步冠军之后，有一日，教练嚟同我讲。

田径教练 (台左出) 杜杜，嚟紧要预备学界田径精英赛嘅赛事，要再加紧练习呀！

小杜 收到，教练。

(MUSIC: gonna fly now)

(小杜杜在台上，由左跑去右，又由右跑去左，音乐渐慢，慢动作跑步……跌倒！然后看见小杜杜爸爸推着轮椅出场面向观众。)

医生 杜生，你个仔嘅报告啱啱出咗，杜杜患有先天性嘅肌肉萎缩症，佢今次跌低，好大机会以后都企唔返起身，体能会渐渐退化，要用轮椅代步。

(杜杜爸爸扶起小杜杜坐在轮椅上。)

Background MUSIC: 绝症 in

小杜 爸爸，我以后系咪唔可以再跑步，甚至要一世坐喺轮椅？

杜爸 杜杜，你有左呢个病，以后就唔可以再跑步。我哋要乐观啲保持希望，而家医学越嚟越发达，可能将来有一只药出现，你会唔使再坐轮椅㗎。爸爸会更加努力工作，买最好嘅药去帮你。而家咩都唔好谗喇，爸爸推你入房休息下先。

(爸爸推小杜杜入房，然后留在台上)

杜 跟住嗰几年，爸爸都好努力做嘢。(强哥及导演出现在舞台)

杜爸 强哥强哥，你叫我整嘅道具我提早两日整好咗喇。

强哥 劲啱，导演你睇下。

导演 唔得唔得，再整过，整大一倍。

杜爸 得得得有问题。呀系呀强哥。导演你好！我个仔病咗要好多医药费，我最近等钱洗，如果有咩嘢要整即管搵我，保证做到你哋满意为止。仲有如果需要场务啲担担抬抬嘅工作或者任何岗位我都可以㗎。有 job 记得搵我，多谢多谢！

强哥 得啦得啦，有嘢即刻搵你。

杜爸 多谢强哥！多谢导演！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

(Background MUSIC fade out) (失意：前奏)

杜 (向观众) 虽然过咗好耐，但系我成日都好挂住细个跑步攞奖好开心嘅感觉。

(MUSIC in, 杜杜、杜爸 合唱「失意」)

杜 可知道，在昨天，我与理想咫尺望见，
无论我点样努力，点样坚持，
我也注定与失败并肩。

(杜爸) 可知道，在昨天，你与理想咫尺望见，
无奈你得到这病，这种心情……

(杜) 梦想？我想过就算！

副歌：

(杜) 人活着没希望，我感到困倦，
迷惘、懊悔与失意。

(杜爸) 但愿今后能迎难而上，
尝试，重新找出发点！

(杜) 天知道，在这天，我与理想咫尺望见，
难道我可以重拾昨日激情？
我哪能面对挑战？

副歌：

(杜) 人活着没希望，我感到困倦，
迷惘、懊悔与失意。

(杜爸) 或在今后，会有新的开始，
尝试，重拾生存意志！
尝试，燃亮心中斗志！

杜爸 杜杜，我哋要面对现实，你谗下仲有啲咩兴趣可以去发挥？

杜 ……

杜爸 我记得细个生日会，啲亲戚朋友成日围住你唱歌跳舞，你仲记唔记得先？

音乐「叮当」入

(叮当音乐入，亲戚朋友围住小杜杜唱歌。)

(杜爸拿着蛋糕，所有人唱生日歌。)

杜爸 杜杜，生日快乐，快d许个愿先！

小杜 我想代表香港参加奥运，我要参加全民造星！

亲友 你要参加全民造星？你有冇姜涛咁靚仔先？

小杜 我直头靚仔过姜涛啦！

杜爸 系呀！我个仔梗系靚仔过姜涛啦！

(回到现实时空。)

杜爸 记唔记得呀？你细个好钟意唱歌，又钟意二次创作啲歌词添。

杜 ……



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

杜爸 爸爸最近好努力搵钱，迟啲出嚟同你去报唱歌班。
杜 哦。

(杜爸咳嗽声)

杜 阿爸你有嘢咁嘛？

杜爸 冇事冇事，爸爸可能最近忙得滞所以瞓得唔够，有几声咳啫。

杜 冇冇睇医生呀？

杜爸 几声咳唔使啦。

(音乐入)

医生 杜生，份报告出咗啦。请你有心理准备，你患嘅系末期肺癌，我建议你立刻入院做电疗同化疗，如果唔系，捱唔到三个月。

MUSIC in (杜爸唱)

这一个消息，怎能接受？
此刻我心慌乱。
这一个消息，实太震撼，
我也不知怎算！

副歌：

人生幻变，我不知怎算！
人生幻变，我可以点算！

我看着窗边，只有泪与恨，
我为何咁不幸？
我过着单亲生活太伤感，
老天你如何待人？

副歌：

妈妈已离开了，爸爸也患癌了，
你也受着皮肉之痛，我心就像割开了！

杜爸 杜杜，爸爸接咗份 job，要去大陆拍戏大约半年，呢段时间我帮你申请咗赛马会嘅宿舍同学校，你放心啦，间学校好好架，我知道有教唱歌嘅兴趣班，包你唔会闷！

杜 半年啲？！你要掉低我半年呀？

杜爸 医你嘅病要好多少钱架，呢份 job 可以赚好多钱，你挂住我嘅可以打视像电话畀我㗎，年尾你生日之前我一定会返嚟同你过生日，到时买份大礼物畀你！